

ARISE CHRISTIAN MINISTRIES, INC,
Fourth Missions Training Course Curriculum
May 20-June 2, 2013/ACM Regional Center, Cagayan de Oro City

PASIUNA

Matag simbahan nga walay pagtutok sa misyon dili magdugay ug mahulog lamang sa kategoriya sa isa ka tawhanong kapulongan. Ang misyon kinahanglang hatagan ug bili sa mga programa sa simbahan. Ang mga kasimbahanang aktibo sa misyon makita gayod nga buhi nga simbahan ug nagatubo ug aktibo usab nga nakig-kauban sa ubang mga Kristohanong kasimbahanan ug mga grupo sa misyon. Ang saad sa Dios sa pagpamunga ug makadaghan dili nagagikan sa atong kaugalingong paningkamot. Apan, sa atong pagtuman sa tinod-anay sa sugo sa Dios kanato, Siya na ang magahatag kanato ug mga bunga nga moluntad. Busa wala usab kitay ikapasigarbo gikan sa atong kaugalingon.

Ang **Unang Kurso sa Misyon** nga gipahigayon sa Arise Christian Ministries, Inc. nahitabo niadtong Abril, 2006 didto sa Alae, Bukidnon. Sumala sa kadaghanan nga nakatapos niini nga kurso, ang duha ka semana nga pagtuon ug pagbansay-bansay nakapadugang sa kusog ug kadasig sa ilang mga kinabuhi isip mga disipulo ni Kristo, ug nakahagit ug nakasangkap kanila alang sa bulohaton sa misyon sa ilang kaugalingong mga lugar ug ditto sa nagkalain-laing dapit sa nasud diin sila gitawag nga magsilbi sa Dios. Nagalantaw usab kita nga sa umaabot anaay pipila kanato nga tawagon sa Dios alang sa pagsilbi sa misyon sa mga kanasuran.

Ang **Ikaduhang Kurso sa Misyon** gihimo didto sa El Salvador, Misamis Oriental sa Abril 14-May 2, 2008. Isa sa mga pagtulon-an nga naamgo mao nga ang kadaghanon ug kondisyon sa kasing-kasing sa mga miapil makaapektar ug dako sa kahapsay sa pagtuon. Bisan ug mas daghan ang miapil sa ikaduhang kurso, diyotay ra ang nagpadayon sa misyon. Mao nga mahinungdanon nga ang moapil, anaay kasing-kasing nga mapahiubsanon nga motuon, andam motuman sa sugo sa Dios sumala sa Iyang ipasabot sa matag tagsa pinaagi sa mga pagtulon-an nga itudlo sa kurso.

Ang **Ikatulong Kurso sa Misyon**, duha gihapon ka semana nga pagbansay-bansay nga gipahigayon niadtong Abril 17-Mayo 1, 2011 sa ACM Regional Center, Cagayan de Oro. Sama sa nau nang mga kurso sa misyon, apil sa pagtulon-an ang “Road to Discipleship”, isa ka simple nga pagpasabot sa teolohiya sa “discipleship” o pagkadisipulo, ug ang libro nga “Timothy Training Course”. Kining duha sinulat ni Roy Robertson, ang unang misyonero sa Navigators Ministry sa Tsina, ang nagtukod usab sa Training Evangelistic Leadership (TEL) diin ang iyang mga pagtulon-an gihimo nga dakong bahin sa mga kurso sa misyon sa Arise Christian Ministries. Ang “Timothy Training Course” maayong gamiton sa mga unang programa sa pagdisipulo nga daling mahimo sa misyon sulod sa walo ka semana. Nasulayan na kini sa mga katuigan sa Tsina, Indonesia, India, Singapore, sa Pilipinas ug sa uban pang bahin sa kalibotan. Ang libro nga “From Jerusalem to Irian Jaya” gihimo gihapon nga rekisitong basahonon alang sa paghulma sa huna-huna sa mga moapil kabahin sa kinabuhi sa mga niaging mga misyonero, mga tawong ordinaryo, daghang kakulangon, apan dako ug kasing-kasing alang sa kaluwasan sa tanang tawo sa kalibotan, mga tinawag sa Dios sa personal nga paagi, nga nakapausab sa dagan sa mga kinabuhing natadandog ug bisan sa mga nasud nga gitawag kaniadto nga “gentil” o mga “walay Dios”.

Sama sa nangaging tulo ka mga kurso sa misyon, kining Ika-upat nga Kurso sa Misyon duha gihapon ka semana nga programa uban sa pagtudlo sa mga pinaka sentral nga pagtulon-an sa misyon nga sa normal nga dagan, moluntad unta sa isa ka tuig nga kurso. Ang pamaagi ug unod sa pagtulon-an basi gihapon sa estilo ni Roy Robertson. Dili kini hingpit nga kurso sa misyon apan gitutokan niini ang

mga labing mahinundanong elemento sa bulohaton sa misyon sa atong kapanohan. Dili matuod nga wala nay bili kini nga mga pamaagi ug kinaraan na, tungod kay ang tanang pagtulon-an ug mga pamaagi basi sa Pulong sa Dios kanunay. Anaay pipila ka mga pagbag-o ang gihimo niining ika-upat nga kurso: ang mga pinili nga libro sa Daan ug Bag-ong Tugon giapilan na karon sa Mga Hebroanon, Mga Buhat, ug Pinadayag, dugang sa Exodus ug Daniel. Ang katuyoan niini aron maapil ang upat ka mga sentral nga librong doctrinal sa Bibliya nga Hebroanon, ug Pinadayag. Ang Exodus giapil isip nga isa ka maayo nga salamin sa pagtan-aw sa “Pentateuch” o ang “Balaod” nga gitawag sa mga Israelita, ug ang Daniel nga kinahanglan usab sa pagtuon sa Pinadayag.

Ang mga moapil giagda nga motuman gayod sa curriculum, sa panahon nga gitakda, sa paghimo ug pagpasa sa mga gipahimo sa magtutudlo, pagkuha sa mga pasulit, ug pagtabang sa uban pang mga bulohaton nga ihatag. Kinahanglan ipahilom ang mga cellphones aron dili maistorbo ang mga nagapaminaw ingon man ang nagatudlo, ug limitahan ang pagsige ug lakaw-lakaw ug pagtubag sa cellphone nga kung mahimo, diha lang sa mga panahon human sa leksiyon.

Hinaot nga ang mga makahuman niini nga kurso maanaay kaikag sa mainiton nga pagsilbi sa Dios kay anaay ipahigayon nga pag komisyon niadtong makahuman sa panahon sa graduation ug seremonya sa pagpasidungog sa mga makatapos.

I. MGA TUMONG SA CORSO

- Pagtabang sa mga kaigsoonan nga anaay kasing-kasing alang sa misyon sa pagsuta sa kabuboton sa Dios alang sa ilang mga kinabuhi.
- Pagsangngkap sa mga kaigsoonan nga gitawag sa misyon sa nagkalain-laing kahibao nga gikinahanglan sa pagadto sa misyon, apil na ang “one-on-one witnessing” (tinagsa nga pagpaambit sa Pulong sa Kaluwasan) ug pag-organisar ug “evangelistic rallies” (pagwali sa Pulong sa Dios sa pundok sa mga katawhan).
- Pagpalalom sa pagsabot sa mga kamatuoran sa Pulong sa Dios alang sa personal nga aplikasyon sa kinabuhi sa isa ka misyonero.
- Pagtabang sa mga kaigsoonan nga makapundar ug matuod nga Kristohanong kinaiya ug ang pagpilo-pilo niini sa kinabuhi sa uban pang mga disipulo.

II. LISTA SA MGA PAGTULON-AN

- Paglantaw sa katibok-an sa Bibliya ug sentral nga mga doktrina – unang adlaw
- Ang Timothy Principle/Road to Discipleship –tema sa Discipleship (8:30-9:30am/Lunes-Biyernes)
- Ang Upat ka mga Gospels – Pagpalalom sa pag-ila kang Kristo (9:45-10:45am/Lunes-Biyernes)
- Mga Taga-Roma- Sentral nga mga Doktrinang Kristohanon (11:00-12:00am/Lunes-Biyernes)

PANIUDTO (12:00-1:00pm)

- Pinili nga mga Libro sa Daan ug Bag-ong Tugon (Exodus, Mga Hebroanon, Mga Buhat, Pinadayag, Daniel/1:15-3:15pm Lunes-Biyernes)
- Sentral nga mga Pagtulon-an sa Pagsabot sa Bibliya (Hermeneutics) ug Paghimo ug Sermon (Homiletics) (3:15-4:00pm/Lunes-Biyernes)

LIBRENG PANAHAON (4:00-5:00pm)

- Misyon (5:30-6:30pm)
- PANIHAPON (6:30-7:30PM)
- 7:30PM-12:00N alang sa pagtuon nga tinagsa o sa grupo, ug paghimo sa mga assignments.

III. UNOD SA PAGTULON-AN UG GIGAHIN NGA PANAHAON

- A. Pasiuna sa kurso, paglantaw sa katibok-an sa Bibliya, ug sentral nga mga doktrinang Kristohanon (Mayo 20)
- B. Timothy Principle
- Mayo 21 – ang Unang Duha ka Mando sa Dios
 - Pagpamunga ug Espiritohanong Bunga
 - Pagpamunga Magasugod sa Disiplina
 - Fundasyon sa Espiritohanong Pagtubo
- Mayo 22 – Pagtukib Palalom sa Pulong
 - Ang Kalipay sa Pag-ani ug mga Kalag
 - Ang Tulay sa Kinabuhi
 - Pagmatuto ug mga Espiritohanong mga Anak

- Mayo 23 - Pagsugod sa Pagmatuto (Follow Up)
 - Pagtudlo sa Espritohanong Pagsanay
 - Espritohanong mga Apo
 - Ang Prinsipyong Gitawag nga Timoteo
 - Ang Estratehiya sa Pagpilig Isa Ka Kasaligang Tawo
 - Bisyon alang sa Kalibotan
- Mayo 24 - Ang Timothy Training Course
- C. Road to Discipleship (Dalan Ngadto sa Pagkadisipulo) – Mayo 27-31
- D. Ang Upat Ka Mga Gospels
 - Mateo (Mayo 21)
 - Marcos (Mayo 22)
 - Lukas (Mayo 23)
 - Juan (Mayo 24)
- E. Mga Taga-Roma
 - Kapitulo 1-8 (Mayo 21)
 - Kapitulo 9-11 (Mayo 22)
 - Kapitulo 12-16 (Mayo 23-24)
- F. Sentral nga Pagtulon-an sa Pagsabot sa Bibliya (Hermeneutics) ug sa Paghimog Sermon(Homiletics)
- **1. Hermeneutics**
 - **General Hermeneutics:** Upat ka haligi sa Pagsabot sa Katibok-an sa Bibliya (Mayo 21)
 - a. Literal nga interpretasyon
 - b. Interpretasyon sumala sa gigamit nga pinulongan
 - c. Interpretasyon sumala sa kasaysayan ug kultura
 - d. Interpretasyon nga doctrinal
 - **Specific/Special Hermeneutics:** Interpretasyon sumala sa mga espesyal nga bahin sa Bibliya (May 22)
 - a. Debosyonal ug praktikal nga paggamit sa Bibliya
 - b. Sumbingay
 - c. Tipo o Anino
 - d. Propesiya
- **2. Homiletics (Paghimog Sermon nga anaay pagtutok sa gitawag nga Expository Preaching, Mayo 23-24)**
- G. Misyon**
 1. Pasiuna ug ang Gibasihan sa Pulong
 2. Ang Mga Nauna nga mga Kalihokan sa Misyon
 3. Moderno Nga Misyon
 4. Personal nga Tawag sa Misyon
 5. Ang Bulohaton sa Lokal nga Simbahan sa Pagpadala ug mga Misyonero
 6. Pagpangandam alang sa Misyon
 7. Pakigsumpay sa Ubang mga Grupo sa Misyon

MGA IMPORTANTENG PETA:

Unang Examen - Mayo 25 (Buntag)

- Timothy Principle Kapitulo 1-12
- Mateo
- Marcos
- Mga Buhat
- Mga Taga-Roma Kapitulo 1-8
- 1&2 Timoteo
- Hermeneutics
- Misyong (Unang Bahin)
- Exodus

Mayo 25 (Hapon)

- **Praktikum sa Sermon**

Ika-duhang Examen - Mayo 31 (Unang Bahin)

- Timothy Principle Kapitulo 13-15
- Lukas
- Juan
- Misyong (Ikaduhang Bahin)
- Mga Taga-Roma (Kapitulo 9-16)
- Pinadayag
- Daniel

Mayo 31 (Ikaduhang Bahin)

- Katapusang Examen nga Praktikal sa Pagka-Misyongero (Gabii)

Evangelistic Rally - Hunyo 1

Graduation - Hunyo 2

UNSAY DAD-ON: Bibliya (lain-laing bersiyon kung anaa), Notebook ug Ball Pen, Concordance (kung naa), Bible Dictionary (kung naa); labaw sa tanan KASING-KASING NGA ANDAM MOTUON, ABRI NGA HUNA-HUNA.

“Kinsay akong ipadala ug kinsa man ang molakaw alang kanato?” Ug mitubag ako, “Ania ako. Ipadala ako.” Isaias 6:8

“Sama sa pagpadala kanako sa akong Amahan, ipadala ko usab kamo.” Juan 20:21

Franco G. Teves
Missions Training Adviser

